

671.1207
084
15

文獻志

人物

名宦

賢能

武功

儒行

滄縣志

趙元禮題



辰

卷之八

甲

滄縣志目錄

序

凡例

圖

影

方輿志

卷之一 疆域

沿革 經緯度 四至八到 區鄉附表 土壤附表

卷之二 河流

南運河 減水河 宣惠河 石碑河 狼窪
中堂窪 歧口 津渡 橋梁

卷之三 建置

城市附表 署廳附表 廟學 學田 書院
義學 倉驛附表 集會附表 交通 坊表附表

卷之四 古蹟

古城 溝渠 亭臺 名勝 冢墓 壇廟附表

經制志

卷之五 賦役

田賦 雜稅 鹽法

卷之六 行政

政府 公安 教育 財務 實業 自治
黨務 團務 農會 工會 商會

文獻志

卷之七 職官

表傳

卷之八 人物

名宦 賢能 武功 儒行 文學 孝義
選舉附表 仕進附表 方技 美術 武術 忠節附表
隱逸 道釋 列女 流寓 統表

卷之九 藝文

經史子集

事實志

卷之十 宗教

儒釋 天方 天理 基督舊教 基督新教 道

卷之十一 生計

物產 幣度量衡 衣食住行

卷之十二 禮俗

士農工商 儀節 節令 結社 畋漁
習尚禁忌 娛樂 方言歌謠 回旗異俗

卷之十三 金石

卷之十四 輶聞

卷之十五 志餘

卷之十六 大事年表

滄縣志卷之八

文獻志二

大物志總序

春秋魯穆叔有言太上有立德次立功次立言三者皆不朽
滄縣東臨海西衛河南界青濟北通幽并疆域風土世稱雄
勝往往有秀異博通之人出乎其間成不朽之盛德大業地
靈人傑信非虛語然吾觀自漢以來史冊所載隸滄籍者代
不過數人何其少也毋亦年代久遠文獻無徵故邪茲考乾
隆舊志明清以後紀錄較詳其豐功偉烈卓卓有聲於時奮
乎百世之上百世之下聞風興起者固無論矣至其德行文
章足以程式後進者尤指不勝屈乾嘉以來迄今又百餘年

咸豐光緒間兩次纂輯均未成書國體改革以後文武經緯
人才尤衆廣搜博取固後進之責也抑聞之咸同間太平軍
過滄之役捻匪之亂滄鹽兩邑婦女殉節者以數千計此與
志士仁人殺身成仁何異吾國數千年文化沿爲風俗節義
之美固各國所無也今更詳加甄錄其數益增因限於篇幅
有傳有表傳以彰功德表以防遺佚二者交資其義乃備云

名宦

漢

雋不疑字曼倩渤海人治春秋爲郡文學名聞州郡武帝末郡
國盜賊羣起暴勝之爲直指使者逐捕盜賊東至海聞不疑賢

遣吏請與相見不疑盛服至門上謁勝之開閣延請望見不疑
容貌尊嚴衣冠甚偉勝之躡履起迎登堂坐定不疑曰凡爲吏
太剛則折太柔則廢威行施之以恩然後樹功揚名永終天祿
勝之敬納其戒問當世所施行至昏夜罷去勝之遂表薦不疑
徵詣公車拜青州刺史昭帝即位擢京兆尹賜錢百萬京師吏
民敬其威信每行縣錄囚徒還其母輒問不疑活幾何人不疑
多所平反母喜笑爲飲食語言異於他時或亡所出母怒爲之
不食故不疑爲吏嚴而不殘

晉

刁協字玄亮渤海饒安人也祖恭魏齊郡太守父攸武帝時御

史中丞協少好經籍博聞彊記初爲太常博士本郡大中正累遷尙書左僕射時朝廷草創憲章未立朝臣無習舊儀者協久在朝中諳練舊事凡所制度皆諮訪之太興初遷尙書令在職數年加金紫光祿大夫協性剛悍與物多忤每崇上抑下故爲王氏所疾及王敦構逆上疏罪協帝使協出督六軍旣而王師敗績協行至江爲人所殺送首於敦敦聽刁氏收葬之敦平後周顥戴若思等皆被顯贈惟協以出奔不在其例咸康中協子彝上書訟之廷議久不決丹陽尹殷融左光祿大夫蔡謨等先後請復協本位於是追贈原官祭以太牢彝字大倫少遭家難王敦誅後彝斬讎人黨以首祭父墓詣廷尉請罪朝廷特宥之

由是知名歷尙書吏部郎吳國內史累遷北中郎將徐兗二州刺史假節鎮廣陵卒於官

北魏

刁雍字淑和渤海饒安人曾祖協從晉元帝渡江居京口位尙書令父暢晉右衛將軍初劉裕微時負社錢一萬違時不還暢兄達執而徵焉及裕誅桓元以嫌誅刁氏雍歸秦姚興秦亡歸魏請於南境自効太宗明元帝假雍建威將軍雍於河濟間招集流散傳檄邊境明元南幸雍朝於行宮假雍鎮東將軍青州刺史使別立義軍又詔雍令隨機主効於是招集譙梁彭沛人五千餘家置二十七營遷鎮濟陰後除薄骨律鎮將雍以西土

乏雨表求鑿渠溉公私田又奉詔以高平安定統萬及薄骨律等四鎮出車牛五千乘運屯穀五十萬斛付沃野以供軍糧道多深沙車牛艱阻求於牽屯山河水之次造舡水運又以所綰邊表常懼不虞造城儲穀置兵備守詔即名城爲刁公城以旌功焉獻文帝皇興中雍與隴西王源賀及中書監高允等並以耆年特見優禮賜雍几杖劍履上殿月致珍羞焉雍性寬柔好尚文典手不釋書明敏多智凡所爲詩賦論頌并雜文百有餘篇又汎施愛士恬靜寡欲著教誡二十餘篇以訓子孫孝文帝太和八年卒年九十五諡曰簡

節錄北史本傳

刁雙字子山滄州饒安人少好學兼涉文史雅爲中山王英所

知賞累遷至西河太守爲政清簡吏民悅服及中山王熙起兵誅元義事敗熙弟略投命於雙雙藏護周年時購略甚急略懼求送出境雙曰人生會有一死今遭知己視死如歸願不以爲慮略復苦求南轉雙乃遣從子昌送達江左肅宗末除徙兗州刺史時盜賊蠭起州人張桃弓等招聚亡命公行劫掠雙至境先遣使諭桃弓陳示禍福桃弓即隨時歸罪雙捨而不問後有盜發雙令桃弓追捕悉擒獲州境肅清孝莊初行濟州刺史以功封曲成縣男興和三年卒諡曰清穆

王僧字子慎饒安人曾祖襲建威將軍北平太守祖清少履庠門清真自處刺史張儒舉清茂才不拜父願平遠將軍步兵校

尉僧少好學有聲望正始中除盪寇將軍改殿中將軍神龜中冀州盜起召爲都督一戰破賊正光中除青州高陽令遷白水太守招慰酋渠廓清漢右擢龍驤將軍諫議大夫天平二年卒贈征虜將軍滄州刺史

唐

任迪簡滄州人爲天德防禦使時義武節度使張茂昭四上表乃許爲義武行軍司馬代鎮河北茂昭悉以簿書管鑰授之茂昭旣去虞侯楊伯玉張佐元相繼作亂府庫閭閻劫掠一空迪簡無以犒士乃設糲飯共士卒食即戟門下以居士卒感之請還府然後得安上聞賜綾絹十萬匹授節鉞爲節度使

王峻滄州景城人後徙洛陽少孤好學豪曠不羈擢明經第除殿中侍御史爲副將韓思忠昭寃景龍末授桂州都督開屯田數千頃以息轉漕百姓賴之歷充中外要職開元二年吐蕃以精甲十萬寇臨洮峻出奇制勝以功加銀青光祿大夫清源縣男時突厥默啜爲拔曳固所殺其下多降後復叛峻將并州兵襲擊大敗之獲級三千以功遷左散騎常侍朔方行軍大總管拜兵部尙書封清源公同中書門下三品充朔方節度大使卒贈尙書左丞相諡曰忠烈

賈耽字敦詩其先長樂人七代祖元楷避地浮陽隋改浮陽爲清池遂爲清池人耽天寶中舉明經補臨清尉上書論時政改

汾州刺史在郡七年政績茂異入爲鴻臚卿大曆十四年調梁州刺史山南西道節度使德宗幸梁州耽使行軍司馬樊澤奏事於行在澤旣復命方大宴諸將有急諜至言澤代耽爲節度使而召耽爲工部尙書耽得諜內懷中宴飲不改容旣罷召澤曰詔以公代吾軍中不平請殺樊澤耽曰天子有命卽爲節度使矣卽日離鎮軍中乃安貞元二年改調滑州刺史義成軍節度使以至誠安叛鎮李納反側將士皆心服之耽好地理學撰海內華夷圖及古今郡國縣道四夷述四十卷表獻之永貞元年卒贈太傅謚曰元靖

後晉

李瓊滄州饒安人少爲騎將與晉高祖俱隸唐明宗麾下同光二年契丹犯塞明宗出涿州遇契丹與戰不勝諸將各引去而晉高祖獨戰不已契丹漸合而圍之瓊引高祖衣與俱遯至劉李河而追兵且及瓊浮水先至南岸高祖至河中流馬蹕瓊以長矛援出之又以所乘馬與高祖而步護之走十餘里乃得免明宗兵變於魏而南瓊從高祖以三百騎先趨汴州高祖以爲牙隊指揮使高祖建國賜與甚厚而不與之官爵瓊鬱鬱久之拜相申二州刺史出帝時爲棣州刺史楊光遠反以書招瓊瓊拒而不納遷洛州團練使又爲護聖右鑲都指揮使晉亡契丹入京師以爲威州刺史行至鄭州遇盜見殺

宋

劉遇滄州清池人少魁梧有膂力周祖鎮大名隸帳下廣順初補控鶴都頭改副指揮使宋初遷御馬直指揮使累遷控鶴右廂都指揮使從征太原以功遷虎捷右廂開寶六年轉侍衛步軍都虞侯征江南領步軍戰擢都指揮使時吳兵三萬屯皖口遇會諸路兵破之擒其將朱令贇王暉等獲戎器數萬金陵以平錄功加領大同軍節度車駕雩祀西洛命率禁衛以從太平興國二年出爲彰信軍節度四年征太原與史珪攻城北面平之進攻范陽師還坐所部失律責授宿州觀察使八年徙鎮滑州遇性淳謹待士有禮尤善射太宗待之甚厚雍熙二年卒贈

侍中

張知白字用晦滄州清池人幼篤學中進士第累遷河陽節度判官奏疏言當今要務眞宗異之召試舍人院權右正言獻鳳展箴出知劍州逾年召試中書加直史館面賜五品服判三司開拆司江南旱與李防分路安撫及還權管勾京東轉運使事周伯星見司天以瑞奏羣臣伏閣稱賀知白以爲人君當修德應天而星之見伏無所繫因陳治道之要進右司諫尋知鄧州關右流傭至境知白旣發倉廩又募民出粟以濟擢龍圖閣待制知審官院再遷尙書工部郎中使契丹知白以朝廷制官重內輕外爲引唐李嶠議遷臺閣典藩郡乃自請補外不許遂命